

Bosna i Hercegovina
BRČKO DISTRIKT
BOSNE I HERCEGOVINE
Komisija-Povjerenstvo za odlučivanje
o sukobu interesa



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
Комисија за одлучивање о
сукобу интереса

Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj predmeta: KSI-10-268/24

Datum: 09.01.2025. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine, broj: 04/21) Komisija za odlučivanje o sukobu interesa na 110. redovnoj sjednici, održanoj dana 09.01.2025. godine, donosi

GODIŠNJI PLAN PROVJERE IMOVINSKOG STANJA NOSILACA JAVNE FUNKCIJE U 2025. GODINI

Provjera podataka iz Izvještaja o imovinskom stanju može biti prethodna i redovna shodno članu 23. Zakona o sprečavanju sukoba interesa u institucijama Brčko distrikta BiH.

Prethodna provjera za sve nosioce javne funkcije vrši se pri zaprimanju Izvještaja o imovinskom stanju provjerom ispravnosti formalnih elemenata propisanih članom 23. stav (2) Zakona.

Redovna provjera Izvještaja o imovinskom stanju izvršit će se tokom 2025. godine provjerom tačnosti i potpunosti podataka iz Izvještaja, dostavljenih od strane nosilaca javne funkcije upoređivanjem podataka iz Izvještaja o imovinskom stanju i priloženih dokaza sa prikupljenim podacima od organa i pravnih lica u zemlji i inostranstvu, koji raspolažu informacijama, odnosno organa i pravnih lica, koja vode evidencije o podacima, na sljedeći način:

- Za novoimenovane nosioce javne funkcije u svim organima, institucijama, pravnim licima koje osniva Distrikt, pravnim licima kojima je povjereno vršenje javnog ovlaštenja i lice koje je imenovano, odnosno na čiji izbor ili imenovanje saglasnost daje Skupština ili Vlada Brčko distrikta BiH
- Za poslanike u Skupštini, zamjenike glavnog revizora u Kancelariji za reviziju javne uprave i institucija u Brčko distriktu BiH, zamjenike šefa Policije, članove Komisije za odlučivanje o sukobu interesa, pomoćnike direktora Kancelarije za prevenciju korupcije i koordinaciju aktivnosti na suzbijanju korupcije, člana Komisije za papire od vrijednosti Brčko distrikta BiH.
- Za zamjenike i pomoćnike direktora organa, institucija, pravnih lica koje osniva Distrikt i pravnih lica kojima je povjereno vršenje javnog ovlaštenja.
- Za nosioce javne funkcije čiji Izvještaji o imovinskom stanju za 2024. godinu sadrže podatke drugačijeg sadržaja u odnosu na Izvještaje iz prethodnog perioda (nova imovina auto, štednja i sl.), a čije sticanje nije opravdano godišnjim prihodima, nasljeđem, poklonom i slično, odnosno izvorima sredstava iz kojih je kupljena imovina ili raspolagano istom.

- Za nosioce javne funkcije koji obavljaju javnu funkciju, a koji su imali privatna preduzeća (naknadno prenijeli upravljačka prava, promjene registracije u registru suda, brisani iz registra suda i slično) u cilju provjere finansijskog interesa, ostvarenog od ovih preduzeća kako njihovih, tako i članova uže porodice.
- Za nosioce javne funkcije koji obavljaju javnu funkciju, čiji članovi uže porodice, ostvaruju finansijski interes iz Budžeta ili posluju sa institucijama, organima i pravnim licima koja se finansiraju iz Budžeta.
- Za nosioce javne funkcije koji obavljaju javnu funkciju, za čije postupke postoje indicije da se radi o sukobu interesa odnosno povredi odredaba Zakona.

Redovnu provjeru podataka obavljat će stručni saradnici za sukob interesa, upoređivanjem upisanih podataka u Izvještaj o imovinskom stanju i priloga sa podacima o imovini prikupljenim od organa i pravnih lica u zemlji i inostranstvu, koji raspolažu sa informacijama, odnosno organa i pravnih lica, koja vode evidencije o podacima, i to:


Direkcija za finansije, Osnovni sud Brčko distrikta BiH, nadležna Odjeljenja Vlade Brčko distrikta BiH, Centralna banka i poslovne banke, Policija Brčko distrikta BiH i drugi organi i institucije u zemlji i inostranstvu, koji vode evidenciju o podacima, odnosno koji posjeduju relevantne podatke za utvrđivanje postojanja sukoba interesa odnosno povrede odredaba Zakona.


Sve navedene provjere podataka će biti završene u što kraćem mogućem roku i po potrebi pokrenuti postupci o povredi odredaba Zakona o sprečavanju sukoba interesa u institucijama Brčko distrikta BiH, te isti biti okončani najkasnije u roku od 6 (šest) mjeseci od dana pokretanja postupka.

Sve provjere podataka, koje su pokrenute u toku 2024. godine, a nisu okončane do kraja godine, nastaviće se i neće se otvarati novi predmet provjere povodom Izvještaja istog nosioca javne funkcije bez obzira na gore navedene subjekte provjere, koji će biti predmet provjere u 2025. godini.

Komisija će u narednom periodu, pojačati aktivnosti u dijelu obaveze dostavljanja dokaza od strane nosilaca javne funkcije, za pojedine dijelove iz Izvještaja o imovinskom stanju odnosno za sve podatke o imovini stečene tokom 2024. godine ili od početka obavljanja javne funkcije.

Predsjednik
Komisije za odlučivanje o sukobu interesa


Admira Mujić, dipl. pravnik



Dostaviti:

1. Predsjednik i članovi Komisije
2. Služba za sukob interesa-Viši stručni saradnici
3. Internet stranici Komisije,
4. Oglasnoj tabli Komisije,
5. Evidencija i
6. Arhiva.